



“Ukuu Wa Yesu Kristo”

Natumai hujambo asubuhi ya leo.

Ningependa turudie Kitabu cha Waebrania kwa mara ya pili ili kujifunza zaidi kuhusu Yesu Halisi.

Kitabu cha Waebrania kiliandikwa miaka thelathini baada ya kufufuka kwa Yesu. Kitabu hiki kilikuwa ni barua ya kiuchungaji, kikiwa na nia ya kushughulikia tatizo kubwa katika kanisa la kwanza. Waumini wengi wa karne ya kwanza walikuwa walioachana na Agano la Kale la Uyahudi. Baadhi yao walikuwa wanajaribiwa kuacha Agano lao Jipya lenye uhusiano na Yesu Kristo ili kujiunga tena na familia na marafiki chini ya Agano la Kale.

Kitabu cha Waebrania kina hoja yenye nguvu inayosisitiza kwa nini mtu yeyote asimwache Yesu baada ya kuamua kumfuata na kumtumikia.

KWANZA, Yesu ni mkuu. Yeye ndiye aliye juu zaidi. (Nitaongelea zaidi juu ya hilo hapa baadaye.)

PILI, kwa sababu Yesu ndiye mkuu zaidi, kwa sababu Yesu ndiye aliye juu zaidi, ana mamlaka na uwezo wa kufanya Agano Jipya tukufu kati yetu na Baba, kubwa kuliko agano jingine duniani likiwemo lile la Kale.

Ni Yesu pekee anayeweza kutupeleka katika uwepo wa Mungu ambapo tunaweza kumjua. Yesu pekee anaweza kutumika kama Kuhani wetu Mkuu wa milele ambaye hutuomba bila kukoma. Yesu pekee ndiye anayeweza kuwa dhabihu kamilifu kwa ajili ya dhambi zetu.

Ukimwacha Yesu, ukikataa faida zake nyingi, hakuna wa kuchukua nafasi yake na hakuna mahali pengine pa kwenda. Agano la Kale lilikuwa kwa ajili ya Wayahudi waliokuwa Israeli ya kale na liliundwa na Sheria, dini, mila, dhabihu za wanyama, ibada ya Hekalu, sikukuu za kidini za kila mwaka, nchi ya Kanaani, na hitaji la kuishi maisha makamilifu.

Agano Jipya ni tofauti kabisa - Linatolewa na Mungu kwa kila mtu, katika kila kabila na kila kundi duniani. Ni agano lililo bora zaidi kwa watu walio bora zaidi. Kwa Jinsi gani?

Tunapoingia katika Agano Jipya, tunazaliwa mara ya pili, na Roho wa Mungu huja kuishi ndani yetu. Roho wa Mungu hutupa Moyo Mpya, Roho Mpya, Utakatifu wa Mungu, na Haki ya Kristo. Maisha yetu hayahusu tena ukamilifu wa kisheria, bali yanahusu upendo, rehema, haki na maisha yasiyoweza kuharibika.

Chini ya Agano Jipya, tunaingia katika ufalme wa Mungu. Tunaona usafi wa Mungu, nguvu yake, uwepo wake, madhumuni yake, na tamanio lake.

Tunaingia katika uhusiano wa karibu na Mungu, uhusiano wa upendo na Watu wake, na hamu kubwa ya kuwaona wasio Wakristo wakijiunga na familia hii ya ajabu ya Mungu.

Yesu Kristo hulifanya fanya Agano Jipya liwezekane pamoja na mapenzi na baraka zake zote kwa sababu yeye ni mkuu - mkuu katika uhalisia wake na mkuu katika kile alichokifanya.

- Yesu ni mkuu kuliko mafunuo mengine yote ya Mungu. (WAEBRANIA: Sura ya 1)
- Yesu ni mkuu kuliko malaika wote mbinguni. (Sura ya 1)
- Yesu ni mkuu kuliko wanadamu wengine wote. (Sura ya 2)
- Yesu ni mkuu kuliko Musa ambaye alitoa Agano la Kale. (Sura ya 3)
- Yesu ndiye mtoaji wa pumziko kubwa zaidi. (Sura ya 4).
- Yesu ndiye Kuhani Mkuu. (Sura ya 4)
- Yesu ndiye mpatanishi wa agano kuu zaidi. (Sura ya 8)
- Yesu ndiye dhabihu kuu kwa ajili ya dhambi zetu. (Sura ya 9-10)
- Yesu ndiye lengo kuu la imani yetu. (Sura ya 11)

Kwa sababu Yesu ni mkuu zaidi, Agano alilofanya kati yetu na Mungu ni kuu.

- Je, huyu ndiye Yesu ambaye umempa maisha yako?
- Je, huyu ndiye Yesu unayempenda na kumtumikia?
- Je, huyu ndiye Yesu unayemhubiria kwa wengine?

Basi ushikilie sana na zaidi. Usiangalie nyuma kamwe. Maliza ulichoanza. Kwa uwezo wa damu ya Kristo na ushuhuda wako, utaushinda ulimwengu, mwili wako, na ibilisi.

Hii ni kwa sasa, na milele daima.

WIKI IJAYO: Zaidi kuhusu Yesu-Aliye-Aliye – Yesu sahihi, Yesu kamili.

Pokea baraka kwa jina la Yesu.



Douglas Van Davender.

Huduma za 'Jesus Ministries International' na 'Transforming Prayer'.

TANGAZO LA KUZINGATIA:

Wengine wanaweza kuongezwa kwenye orodha yetu ya barua-pepe kwa kutuma majina yao, eneo na barua pepe kwa WDV2023@outlook.com

(Mtu yeyote anaweza kujiondoa kwa kutuma neno STOP kwa anwani sawa ya barua pepe.) Ahsante.